

ՀԱՅԱՍՏԱՆԻ ՀԱՆՐԱՊԵՏՈՒԹՅԱՆ ԳՆՈՒՄՆԵՐԻ ՀԵՏ ԿԱՊՎԱԾ ԲՈՂՈՔՆԵՐ ՔՆՆՈՂ ԱՆՁ

ՀԱՅՏԱՐԱՐՈՒԹՅՈՒՆ

ԲՈՂՈՔԻ ՆԵՐԿԱՅԱՑՄԱՆ ՎԵՐԱԲԵՐՅԱԼ

Բողոքի ծածկագիրը և ամսաթիվը՝ ԳԲՔԱ-ԼՕ-2021/16, 09.03.2021թ.

Բողոք բերող անձ՝ «Մեգիէլ» ՍՊԸ

Պատվիրատու՝ «Գյումրու բժշկական կենտրոն» ՓԲԸ

Գնման ընթացակարգի ծածկագիրը՝ «ԳԲԿ-ԳՀԱՊՁԲ-21/5» գնանշման հարցում

Գնման առարկան բժշկական գործիքների և սարքերի ձեռքբերում

Բողոքի պահանջը՝ պարտավորեցնել «Գյումրու բժշկական կենտրոն» ՓԲԸ-ի «ԳԲԿ-ԳՀԱՊՁԲ-21/5» գնանշման հարցման գնահատող հանձնաժողովին՝

➤ դադարեցնել 01.03.2021թ ժամը 12:00-ի նիստի թիվ 3 արձանագրության «Մեգիէլ» ՍՊԸ-ի Հավելված 1.1-ով տեխնիկական բնութագիրը չի համապատասխանում հրավերով սահմանված պահանջներին, ուստի՝ «Մեգիէլ» ՍՊԸ-ն չի կարող մասնակցել միաժամանակյա բանակցություններին: Միաժամանակյա բանակցությունների նպատակով գնահատող հանձնաժողովի նիստը տեղափոխվեց 05.03.2021թ ժամը 12:00-ին» որոշումը,

➤ ընդունել նոր բանակցություններ հրավիրելու մասին որոշում՝ «Մեգիէլ» ՍՊԸ-ին հրավիրելով միաժամանակյա բանակցությունների:

ԳՆՈՒՄՆԵՐԻ ՀԵՏ ԿԱՊՎԱԾ ԲՈՂՈՔՆԵՐ ՔՆՆՈՂ ԱՆՁ՝ Լ. ՕՀԱՆՅԱՆ

ՔԱՐՏՈՒՂԱՐ՝ Լ. ԱՆԱՆԻԿՅԱՆ

Նիստերին կարելի է առցանց հետևել <https://www.e-gov.am/gnumner/> հղումով.

Տեղեկացնում ենք, որ «Գնումների մասին» ՀՀ օրենքի՝

- 50-րդ հոդվածի 10-րդ մասի համաձայն՝ յուրաքանչյուր անձ, որի շահերը խախտվել են կամ կարող են խախտվել բողոքարկման հիմք ծառայած գործողությունների արդյունքում, իրավունք ունի մասնակցելու բողոքարկման ընթացակարգին՝ մինչև բողոքի վերաբերյալ որոշում ընդունելու ժամկետը գնումների հետ կապված բողոքներ քննող անձին ներկայացնելով համանման բողոք: Նույն հոդվածի համաձայն՝ բողոքարկման ընթացակարգին չմասնակցած անձը զրկվում է գնումների հետ կապված բողոքներ քննող անձին համանման բողոք ներկայացնելու իրավունքից,
- 51-րդ հոդվածի 1-ին մասի համաձայն՝ գնումների հետ կապված բողոքներ քննող անձին ներկայացված բողոքն ինքնաբերաբար կասեցնում է գնման գործընթացը՝ նույն օրենքի 50-րդ հոդվածի 9-րդ մասով նախատեսված հայտարարությունը հրապարակվելու օրվանից մինչև բողոքարկման վերաբերյալ ընդունված որոշման՝ տեղեկագրում հրապարակման օրը ներառյալ:

Գնումների հետ կապված բողոքներ քննող անձին

Հասցե՝ Երևան քաղ., Մելիք Աղամյան 1

Բողոք բերող անձ՝ «Մեգիել» ՍՊ ընկերություն,
տնօրեն Ս. Փարիզյան

Հասցե՝ Երևան քաղ., Կոմիտաս 56, 165 տարածք

Էլ. փոստ՝ office@megiel.am, հեռ. 010-287070, 043-903090

Պատվիրատու՝ «Գյումրու բժշկական կենտրոն» ՓԲԸ

Հասցե՝ ՀՀ Գյումրի քաղ., Գարեգին Նժդեհ 3/3

Գնանշման հարցման ծածկագիր՝ ԳԲԿ-ԳՀԱՊՁԲ-21/5

Գնման առարկա՝ բժշկական պարագաների ձեռքբերում

Բ Ո Ղ Ո Ք

1. Վեճի առարկան.

1.1 «Գյումրու բժշկական կենտրոն» ՓԲ ընկերության (հետայսու՝ Պատվիրատու) կողմից հայտարարվել է ԳԲԿ-ԳՀԱՊՁԲ-21/5 գնանշման հարցում, որն իրականացվել է մեկ փուլով՝ էլեկտրոնային գնումների Armeps (www.armeps.am) համակարգի միջոցով:

1.2 «Մեգիել» ՍՊ ընկերությունը (հետայսու՝ Ընկերություն) գնանշման հարցմանը մասնակցել է 7-րդ չափաբաժնով՝ ղեղապատ ստենտ: Նշված չափաբաժնով Պատվիրատուն ցանկանում է ձեռք բերել 2.0, 2.25, 2.5, 2.75, 3.0, 3.5, 4.0 մմ տրամագծով ստենտներ: Ընկերությունը հայտ է ներկայացրել նշված չափերով, բացի 2.0 չափից:

1.3 Հայտերը բացվել են 25.02.2021թ: Գնահատող հանձնաժողովը 25.02.2021թ ժամը 11:00-ի թիվ 2 արձանագրության 2-րդ կետով որոշել է, որ ներկայացված փաստաթղթերի հստակեցման կարիք ունի «Պրոֆտեաս» ՍՊԸ, «Իմպերս» ՍՊԸ եւ «Մեգիել» ՍՊ ընկերության ներկայացրած Հավելված 1.1-ը:

1.4 01.03.2021թ գրությամբ հստակեցում է ներկայացվել Պատվիրատուի գնահատող հանձնաժողովին այն մասին, որ ԳԲԿ-ԳՀԱՊՁԲ-21/5 ծածկագրով մրցույթի հավելված 1.1 մասնակիցը պետք է ներկայացնի իր կողմից առաջարկվող ապրանքի ամբողջական նկարագիրը ուստի մեր կողմից ներկայացված է առաջարկվող ապրանքի ամբողջական նկարագիրը.

- ✓ Դեղանյութի արտագատման ամբողջական տեղությունը 180օր
- ✓ Ստենտի պատերի հաստությունը 91 մկմ
- ✓ Մեր կողմից առաջարկը վերաբերելի է 2.25, 2.5, 2.75, 3.0, 3.5, 4.0 մմ տրամագծով ստենտների համար:

1.5 Գնահատող հանձնաժողովը 01.03.2021թ ժամը 12:00-ի նիստի թիվ 3 արձանագրությամբ որոշել է՝ փաստթղթերի գնահատման արդյունքում «Պրոֆտեստ» ՍՊԸ-ի, «Բմպլես» ՍՊԸ-ի Հավելված 1.1 համապատասխանում է հրավերով սահմանված պահանջներին, բացառությամբ՝ «Մեզիել» ՍՊԸ-ի Հավելված 1.1-ի, որի տեխնիկական բնութագիրը չի համապատասխանում հրավերով սահմանված պահանջներին, ուստի՝ «Մեզիել» ՍՊԸ-ն չի կարող մասնակցել միաժամանակյա բանակցություններին:

Միաժամանակյա բանակցությունների նպատակով գնահատող հանձնաժողովի նիստը տեղափոխվեց 05.03.2021թ ժամը 12:00-ին:

2.Բողոքի փաստական և իրավական հիմքերը.

«Գնումների մասին» ՀՀ օրենքի (հետայսու՝ Օրենք) 3-րդ հոդվածի 1-ին մասի 2-րդ կետի համաձայն Օրենքի նպատակն է ի թիվս այլի գնումների և գնումների գործընթացի տնտեսող, արդյունավետ և օգտավետ իրականացումը:

Համաձայն 3-րդ հոդվածի 2-րդ մասի գնումների գործընթացը հիմնվում է հետևյալ սկզբունքների վրա.

1) գնման գործընթացի միասնական կանոններով մրցակցային, թափանցիկ, համաչափ, հրապարակային և ոչ խտրական հիմունքներով կազմակերպում.

2) պայմանագրի կնքման նպատակով մասնակիցների շրջանակի ընդլայնում և նրանց միջև մրցակցության խրախուսում.

3) ցանկացած անձի համար, անկախ նրա օտարերկրյա ֆիզիկական անձ, կազմակերպություն կամ քաղաքացիություն չունեցող անձ լինելու հանգամանքից, գնման գործընթացին մասնակցելու իրավահավասարություն:

Օրենքի 7-րդ հոդվածի 1-ին մասի համաձայն՝ ցանկացած անձ, անկախ նրա օտարերկրյա ֆիզիկական անձ, կազմակերպություն կամ քաղաքացիություն չունեցող անձ լինելու հանգամանքից, ունի գնման գործընթացին մասնակցելու հավասար իրավունք:

Ներկայացված նորմերի վերլուծությունից փաստում ենք, որ գնումների օրենսդրությունը հիմնվում է գնման գործընթացի մրցակցային, թփանցիկ, համաչափ, հրապարակային, ոչ խտրական գնման գործընթացին մասնակցելու իրավահավասարության սկզբունքների վրա, ապահովելով գնումների գործընթացի տնտեսող, արդյունավետ և օգտավետ իրականացում:

Օրենքի 13-րդ հոդվածի համաձայն՝

1. Գնման առարկայի բնութագրերը պետք է ամբողջությամբ և հստակ նկարագրեն ձեռք բերվող ապրանքի, աշխատանքի կամ ծառայության հատկանիշները, դրանց ձեռքբերման և վճարման պայմանները՝ բացառելով տարակերպ մեկնաբանությունը: Գնման առարկայի բնութագրերը, որոնք ներառում են նաև պայմանագրի գինը, ընդգրկվում են պայմանագրում:

2. Գնման առարկայի բնութագրերը՝

1) պետք է մրցակցության հավասար պայմաններ ապահովեն հնարավոր մասնակիցների համար.

2) չպետք է հանգեցնեն գնումների գործընթացում մրցակցության համար չհիմնավորված խոչընդոտների առաջացմանը.

3) պետք է լինեն օբյեկտիվորեն հիմնավորված և համարժեք լինեն այն կարիքին, որի բավարարման նպատակով կատարվում է տվյալ գնումը.

4) ներառում են գնման առարկայի մասնագրի, տեխնիկական տվյալների, իսկ աշխատանքների ղեկքում՝ նաև աշխատանքների ծավալաթերթի, ժամանակացույցի եւ այլ ոչ գնային պայմանների ամբողջական եւ համարժեք նկարագրությունը:

3. Ելնելով գնման առարկայի առանձնահատկությունից՝ դրանց հատկանիշները հնարավորինս ներառում են ձեռք բերվող ապրանքի, աշխատանքի կամ ծառայության որակին, ստանդարտին, անվտանգությանը, պայմանական նշաններին, տերմինաբանությանը, փաթեթավորմանը, բեռնաթափմանը, չափին, նախագծերին, ինչպես նաև գնման առարկայի այլ հատկանիշներին վերաբերող պայմանների հստակ նկարագրությունը՝ հիմնված միջազգային ստանդարտների, եւ Հայաստանի Հանրապետությունում գործող նորմատիվատեխնիկական փաստաթղթերի, ստանդարտների, իսկ դրանց բացակայության դեպքում՝ ժամանակավոր տեխնիկական պայմանների վրա:

4. Գնման առարկայի հատկանիշները կարող են սահմանվել նաև որպես կատարողականի կամ գործառությանի (ֆունկցիոնալ) նկարագրեր, որոնք պետք է ներկայացվեն բավարար ճշտությամբ՝ հնարավորություն տալով մասնակիցներին եւ պատվիրատուին ճշգրիտ ընկալել պայմանագրի առարկան:

5. Գնման առարկայի հատկանիշները չպետք է պահանջ կամ հղում պարունակեն որեւէ առեւտրային նշանի, ֆիրմային անվանմանը, արտոնագրին, էսքիզին կամ մոդելին, ծագման երկրին կամ կոնկրետ աղբյուրին կամ արտադրողին, բացառությամբ այն դեպքերի, երբ անհնար է գնման առարկայի բնութագրումն առանց դրանց: Հղումներ օգտագործելու դեպքում հատկանիշների բնութագիրը պետք է պարունակի «կամ համարժեք» բառերը:

ՀՀ կառավարության 04.05.2017թ թիվ 526-Ն որոշման (հետայսու՝ Կարգ) 22-րդ կետի համաձայն՝ գնման առարկայի բնութագրերը սահմանելիս պետք է հաշվի առնել, որ դրանց պետք է բավարարեն մեկից ավելի հնարավոր մասնակիցներ եւ արտադրողներ՝ բացառությամբ գնումը սույն կարգի 23-րդ կետի 4-րդ ենթակետով նախատեսված հիմքով կատարելու դեպքերի:

Գնահատող հանձնաժողովը 01.03.2021թ թիվ 3 արձանագրությամբ դիտարկելով, որ Ընկերության ներկայացրած տեխնիկական բնութագիրը չի համապատասխանում հրավերով սահմանված պահանջներին, չի հստակեցրել թե հատկապես ինչը չի համապատասխանում: Ընկերության համար պարզ չէ թե ներկայացվող ապրանքների եւ հրավերի տեխնիկական բնութագրով ներկայացվող ո՞ր չափորոշիչների միջեւ են արձանագրվել անհամապատասխանություն:

Օրենքի 34-րդ հոդվածի համաձայն՝

1. Հայտերը գնահատվում են հրավերով սահմանված կարգով: Բավարար են գնահատվում հրավերով նախատեսված պայմաններին համապատասխանող հայտերը, հակառակ դեպքում հայտերը գնահատվում են ռանքավարար եւ մերժվում են:

2. Առաջին տեղը զբաղեցրած մասնակիցը որոշվում է՝

1) բավարար գնահատված հայտեր ներկայացրած մասնակիցների թվից՝ նվազագույն գնային առաջարկ ներկայացրած մասնակցին նախապատվություն տալու սկզբունքով, կամ

2) այն մասնակցին ընտրելու մեթոդով, որի առաջարկած գնին եւ ոչ գնային չափանիշներին տրված գործակիցների հանրագումարը ամենաբարձրն է: Այս մեթոդի կիրառման դեպքում հայտերը գնահատելիս հրավերով սահմանած դեպքերում եւ կարգով,

առաջարկվող գնից բացի, հաշվի են առնվում ոչ գնային այլ չափանիշներ: Ոչ գնային չափանիշները պետք է փոխկապակցված լինեն պայմանագրի առարկայի հետ եւ դրանց հարաբերական կշիռները ներկայացվեն հրավերի մեջ:.....

5. Առաջին եւ հաջորդաբար տեղերը զբաղեցրած մասնակիցներին որոշելուց հետո հրավերով սահմանված ժամկետում՝

1) առաջին տեղը զբաղեցրած մասնակիցը հանձնաժողովին է ներկայացնում իր՝ գնումներին մասնակցելու իրավունքը եւ հրավերով նախատեսված որակավորման չափանիշներին համապատասխանությունը հիմնավորող՝ հրավերով նախատեսված փաստաթղթերը (տեղեկությունները):

2) հանձնաժողովը գնահատում է սույն մասի 1-ին կետի համաձայն ներկայացված փաստաթղթերի (տեղեկությունների) համապատասխանությունը հրավերով սահմանված պահանջներին, եւ հրավերով սահմանված դեպքերում ու կարգով գնահատում է տվյալ մասնակցի գնային եւ ոչ գնային (տեխնիկական) առաջարկի հիմնավորվածությունը:

6. Հայտը գնահատվում է բավարար, եթե սույն հոդվածի 5-րդ մասի համաձայն ներկայացված տվյալները բավարարում են հրավերով սահմանված պահանջները: Նման դեպքում մասնակիցը հայտարարվում է ընտրված:

7. Սույն հոդվածի 6-րդ մասի համաձայն՝ գնահատման արդյունքում հայտը անբավարար գնահատվելու դեպքում հանձնաժողովը փաստաթղթերը ներկայացնելու պահանջ է առաջադրում հաջորդ տեղը զբաղեցրած մասնակցին:

7-րդ չափաբաժնով ներկայացված դետալատ ստենտի տեխնիկական բնութագրով ըստ էության Պատվիրատուն ներկայացրել է 7 չափի ապրանքի ձեռքբերման պահանջ: Եթե գնահատող հանձնաժողովը Ընկերության ներկայացրած հայտը գնահատում է հրավերի տեխնիկական բնութագրին անհամապատասխան բացառապես 2.0 չափով հայտ չներկայացնելը, ապա դա գնահատում ենք գնման գործընթացին մասնակցի իրավունքների խոչընդոտում: Գնահատող հանձնաժողովի այս ձեռնարկով գնահատման արդյունքում չի ապահովում գնման գործընթացի մրցակցային, թփանցիկ, համաչափ, հրապարակային, ոչ խտրական գնման գործընթացին մասնակցելու իրավահավասարության սկզբունքները, ապահովելով գնումների գործընթացի տնտեսող, արդյունավետ եւ օգտավետ իրականացում:

Ի սկզբանե Պատվիրատուն պետք է յուրաքանչյուր չափը ներկայացնել առանձին չափաբաժնով, որպեսզի ապահովել հնարավոր մասնակիցների մասնակցությունը եւ բացառվեր չհիմնավորված խոչընդոտների առաջացումը եւ չսահմանափակվեր այլ մասնակցի մասնակցության հնարավորությունը:

Գործնականում 7-րդ չափաբաժնով ներկայացված 7 չափի ստենտները կարող են ունենալ տարբեր գնային առաջարկ: Այս դեպքում, Պատվիրատուն իր ներկայացրած տեխնիկական բնութագրով, զրկված է լինում ավելի ցածր գնային առաջարկով ապրանքի ձեռքբերման հնարավորությունից, քանի որ մի քանի չափերի ապրանքը մեկ չափաբաժնով ներկայացնելու դեպքում մասնակիցը հնարավորություն չի ունենում հանդես գալ տարբեր գնային առաջարկներով:

Նշված պայմանի իրականացման լայն հնարավորություն կարող էր Պատվիրատուն ապահովել նաեւ, եթե 7-րդ չափաբաժնով ներկայացված 7 չափերի ապրանքները ներկայացնել առանձին չափաբաժիններով:

ԳԲԿ-ԳՀԱՊՁԲ-21/5 գնանաշման հարցումն իրականացվել է Օրենքի 15-րդ հոդվածի 6-րդ մասի հիման վրա:

3. Պահանջ.

3.1. Պարտավորեցնել «Գյումրու բժշկական կենտրոն» ՓԲ ընկերության ԳԲԿ-ԳՀԱՊՁԲ-21/5 գնանաշման հարցման գնահատող հանձնաժողովին

- դադարեցնել 01.03.2021թ ժամը 12:00-ի նիստի թիվ 3 արձանագրության ««Մեգիել» ՍՊԸ-ի Հավելված 1.1-ով տեխնիկական բնութագիրը չի համապատասխանում հրավերով սահմանված պահանջներին, ուստի՝ «Մեգիել» ՍՊԸ-ն չի կարող մասնակցել միաժամանակյա բանակցություններին: Միաժամանակյա բանակցությունների նպատակով գնահատող հանձնաժողովի նիստը տեղափոխվեց 05.03.2021թ ժամը 12:00-ին» որոշումը,
- ընդունել նոր բանակցություններ հրավիրելու մասին որոշում՝ «Մեգիել» ՍՊ ընկերությանը հրավիրելով միաժամանակյա բանակցություններին:

Կից ներկայացվում են.

1. Անձը հաստատող փաստաթղթի պատճեն,
2. բողոք ներկայացնելու համար վճարման անդորրագրի պատճեն:

Տնօրեն



Ա. Փարիզյան